

CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E A ASOCIACIÓN DE DANO CEREBRAL DA CORUÑA, PARA A CONSTRUCCIÓN DUN CENTRO DE REHABILITACIÓN INTEGRAL DE ATENCIÓN A PERSOAS CON DANO CEREBRAL ADQUIRIDO NO MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA, NEXTGENERATIONEU, NO EXERCICIO 2026

MEMORIA XUSTIFICATIVA

A Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

A Consellería de Política Social e Igualdade é o órgano superior da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 139/2024, do 20 de maio, polo que se establece a estrutura orgánica da Consellería de Política Social e Igualdade.

ADACECO, entidade de natureza asociativa, figura inscrita no Rexistro de asociacións co número 2001/005500-1, conforme á Lei orgánica 1/2002, do 22 de marzo, reguladora do dereito de asociación.

A entidade figura recoñecida e inscrita como entidade de iniciativa social no Rexistro de Entidades Prestadoras de Servizos Sociais có número E-1496

ADACECO é unha entidade sen ánimo de lucro que nace no ano 2000 da man dun grupo de persoas que buscaban recursos para os seus familiares, persoas afectadas de dano cerebral, xa que o sector público non cubría as necesidades deste colectivo.

ADACECO ten como fins

1. Promover a defensa dos dereitos, a integración e a normalización social das persoas con dano cerebral adquirido.
2. Asistir ás persoas afectadas.
3. Acoller, orientar e informar ás familias.
4. Promover os servizos necesarios para cubrir as necesidades ds persoas con dano cerebral adquirido.
5. Representar e defender ás persoas afectadas por dano cerebral adquirido.
6. Dar a coñecer os problemas das persoas afectadas con dano cerebral adquirido.
7. Sensibilizar á sociedade para prever os traumatismos cranioencefálicos producidos polos accidentes de tráfico.
8. Fomentar e promover a práctica de actividades físicas e deportivas por parte ds persoas con dano cerebral adquirido.

O obxectivo da asociación é mellorar a calidade de vida das persoas con dano cerebral adquirido e as das súas familia Para iso, Adaceco pretende ser a entidade sociosanitaria



de referencia, especializada en dano cerebral adquirido na Coruña e a súa área de influencia sanitaria.

O Consello Europeo aprobou o 21 de xullo de 2020 a creación do programa NextGenerationEU, como instrumento de estímulo económico en resposta á crise causada polo coronavirus.

O 10 de novembro de 2020, o Parlamento Europeo e o Consello alcanzaron o acordo sobre o paquete de medidas que inclúe os fondos de NextGenerationEU e o Marco Financeiro Plurianual 2021-2027, creándose o Mecanismo Europeo de Recuperación e Resiliencia, como instrumento de apoio aos Estados membros a través de transferencias directas e préstamos para incrementar os investimentos públicos e acometer reformas para paliar os devastadores danos producidos pola COVID-19.

O Regulamento (UE) nº 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia, sinala que os Estados membros elaborarán plans de recuperación e resiliencia nacionais para acollerse a este e alcanzar os obxectivos establecidos e presentarse formalmente polos Estados, como moi tarde o 30 de abril de 2021.

En virtude da Resolución da Subsecretaría de Asuntos Económicos e Transformación Dixital do Ministerio de Asuntos Económicos e Transformación Dixital do 29 de abril de 2021, publícase o Acordo do Consello de Ministros do 27 de abril de 2021, polo que se aproba o Plan de Recuperación, Transformación e Resiliencia, que define as estratexias a seguir no desenvolvemento dos fondos europeos de recuperación (*Boletín Oficial del Estado* número 103, do 30 de abril de 2021).

Este convenio encádrase no marco do Mecanismo de recuperación e resiliencia, dentro do eixe/compoñente 22: economía dos cidadáns e reforzo das políticas de Igualdade e inclusión social, medida/investimento I1: Plan de apoios e coidados de longa duración: desinstitucionalización, equipamentos e tecnoloxía, submedida: transformación da rede de coidados de longa duración a través da construción, adquisición, reforma e modernización de equipamentos, do Plan estatal de recuperación, transformación e resiliencia, financiado pola Unión Europea- NextGenerationEU, e no cumprimento da normativa autonómica, estatal e da Unión Europea que regula este tipo de investimentos, e quedan suxeitas, en todo caso, ao cumprimento, execución e realización dos obxectivos do referido plan. Encádrase no proxecto "Renovación o construción de centros residenciais, no residenciais y de día para adaptar plazas al nuevo modelo de cuidados de larga duración, - Subproyecto del Objetivo 323 de la Comunidad Autónoma de Galicia".

O obxecto do presente convenio é a colaboración por parte da Consellería de Política Social e Igualdade con ADACECO a través da concesión directa dunha subvención a favor da dita entidade destinada ao financiamento dos gastos derivados da construción dun centro de rehabilitación integral de atención a persoas con dano cerebral adquirido, na Coruña.

O centro estará deseñado para atender a 40 persoas en xornada completa de atención diúrna. Ademais será un centro de neurorehabilitación tanto para poboación adulta como pediátrica.



Na actualidade están executadas as fases correspondentes á cimentación, estrutura e parte da envolvente do edificio, e o acondicionamento construtivo correspondente á cociña, á sala de usos polivalentes, á instalación de climatización, e acondicionamiento do aproveitamento da planta baixa para futuras ampliacións.

1. Considéranse actuacións subvencionables os gastos derivados da execución por parte de ADACECO, da construción dunha residencia para persoas con discapacidade

2. En concreto, será subvencionable os gastos de carpintería, portas e elementos asociados, pavimentos e acabados interiores, iluminación interior e fontanaría, evacuación e sanitarios, derivados da execución dunha unidade funcional completa correspondente a :

a) Salas de atención terapéutica e actividades rehabilitadoras, incluíndo todos os elementos construtivos e instalacións necesarios para o seu funcionamento efectivo.

b) Aseos adaptados e de entramento nas actividades básicas da vida diaria incluíndo todos os elementos construtivos e instalacións necesarios para o seu funcionamento efectivo.

Unha vez executadas estas actuacións, os espazos descritos quedarán en condicións adecuadas de utilización, seguridade e funcionamento, constituíndo unha unidade funcional completa dentro do edificio.

Considerarase subvencionable o imposto sobre o valor engadido (IVE) cando non sexa recuperable pola entidade solicitante.

a) Non serán subvencionables os gastos aos que se refire o artigo 29.7 da Lei 9/2007, do 13 de xuño, de subvencións de Galicia, como non subvencionables.

Para o cumprimento da finalidade prevista na cláusula primeira deste convenio a Consellería de Política Social e Igualdade achegará un total de trescentos mil euros (300.000,00€), que serán imputados á aplicación orzamentaria 08.04.312D.781.0 dos orzamentos xerais da comunidade autónoma de Galicia para o exercicio 2026.

As actuacións a subvencionar a través deste convenio, recollidas na súa cláusula segunda, adecúanse ao ámbito competencial da Consellería de Política Social e Igualdade previsto no Decreto 42/2024, do 14 de abril , polo que se establece a estrutura orgánica da Xunta de Galicia, no Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, e no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, e as específicas necesidades inherentes ao colectivo ao que van dirixidas. Polo tanto queda xustificada a concesión directa desta subvención, en aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións resultando xustificada a imposibilidade de promover a concorrencia pública en relación ao artigo 19.4 c) da Lei 9/2007, do 13 de xuño, e o Decreto 11/2009, do 8 de xaneiro.

Asinado dixitalmente en Santiago de Compostela

A directora xeral de Persoas con Discapacidade

Begoña Abeijón Fernández

